



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<25>> Մայիս 2022թ.

Ո Ր Ո Շ ՈՒ Մ No. 3553-1-Ա

Վարչական ակտն անվավեր ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս վերանայելով ֆիզիկական անձ Մանվել Ղազարյանի վերաբերյալ 27.12.2021թ.-ի թիվ 3553-Ա վարչական վարույթի նյութերը

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ թիվ 33173/2021/ԿՈՒՎ4/Ա տեղեկանքի՝ ֆիզիկական անձ Մանվել Ղազարյանի (ՀՎՀՀ՝ 54714406, ՀԾՀ՝1112830545, հասցե՝ Արագածոտնի մարզ, Ապարան, Երնջատափ, 6փ. 2) չկատարված հարկային պարտավորությունը 13.08.2021 թվականի դրությամբ կազմել է 126.464 դրամ, որից հարկ 87.100 դրամ, տույժ 39.344:

Վերոնշյալ պարտավորությունը գանձելու վերաբերյալ 27.12.2021 թվականին կայացվել է թիվ 3553-Ա որոշումը: Օրենսգրքի 59-րդ հոդվածի 6-րդ կետի համաձայն՝ անհատ ձեռնարկատեր և նոտար չհանդիսացող ֆիզիկական անձինք չեն համարվում ԱԱՀ վճարողներ, սակայն եթե նրանք Հայաստանի Հանրապետության տարածք են ներմուծում ապրանքներ (այդ թվում՝ ԵԱՏՄ անդամ պետություններից), որոնց ներմուծումը, «Մաքսային կարգավորման մասին» Հայաստանի Հանրապետության օրենքի համաձայն, համարվում է ձեռնարկատիրական գործունեության նպատակով իրականացվող ներմուծում, կամ եթե մշտական հաստատություն չունեցող ոչ ռեզիդենտ ֆիզիկական անձինք իրականացնում են ԱԱՀ-ով հարկման օբյեկտ համարվող՝ ապրանքների ներմուծման գործառնություններ, ապա պարտավոր են Օրենսգրքով սահմանված կարգով, չափով և ժամկետներում հաշվարկել և պետական բյուջե վճարել այդ գործառնություններից առաջացող ԱԱՀ-ի գումարները:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ թիվ 3553-Ա որոշումը կայացնելու օրը 27.12.2021թ.-ին ֆիզիկական անձի կողմից ներկայացվել է ներմուծման հարկային հայտարարագիր, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա կայացված թիվ 3553-Ա որոշումն անվավեր ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ 1-ին մասի ,բ, կետով և 65-րդ հոդվածով.

ՈՐՈՇԵՑԻ

Ֆիզիկական անձ Մանվել Ղազարյանի վերաբերյալ ՀՀ ՊԵԿ իրավաբանական վարչության պետի կողմից 27.12.2021 թվականին կայացված չկատարված հարկային պարտավորությունները գանձելու մասին թիվ 3553-Ա որոշումը ճանաչել անվավեր:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



ԱՐՄԱՆ ՄԱՅԱԿԱՆՅԱՆ

Կատարող՝ ՀՀ ՊԵԿ ԻՎ ՀԳ ՊԿԱ բաժնի
գլխավոր մասնագետ Հակոբ Հակոբյան
հեռ.010 309191 /91-71/